



## **NTIkuT NIGUAKTILIGIYIT MAKPIGAAT ATUNIAKTAIT NIGUAKTAUNHUAKTUT**

### **HIVULIIT UKAUTAIT**

#### **Huliniaktut hamna makpigaat**

Huliniakatut hamn makpigaat tuhaktinahuaktait niguaktaunhuaktut mikhaanut niguaktiligiyit atugutikhait ovalo titigakhimayut maliktakhait ovalo munagiyakhait niguaktaunahuaktut niguaktunik Atanguyait angayukaat Nunavut Tunngavimi Timinga. (NTI).

Tamamik niguaktaunhuaktut, ikayuktiit ovalo ikayugutait maliklugit iluaniitut NTIkuT Niguaktiligiyit Maliktakhait. NTIkuT Niguaktiligiyit Maliktakhait pikaktut NTIkuT Niguaktiligiyit Maliktakhait ovalo Maligutikhait, NTIkuT Niguaktiligiyit Ikayugutikhait, Akiliktakhait ovalo Tuhaktakhait Maliktakhait, NTIkuT Maliktakhait Niguaktaunahuaktut, NTIkuT Niguaktiligiyit Maliktakhait Havaktiit ovalo NTIkuT Utiktigutait Kuapurisitkut Pihimayait Pikuyait.

Hamna makpigaat naitumik ukakhimayut NTIkuT Niguaktiligiyit Maliktakhait. Kihimi, niguaktaunahuaktut ovalo ikayuktiit naluhuiktakhait NTIkuT Niguaktiligiyit Maliktakhait. Pinahuaktainik Niguaktaunahuaktut nalulaaktait ihuinaalaaktait NTIkuT Niguaktiligiyit Maliktakhait kungiatangitkumik maligutikhainik. Akigaktuktaupat kitkanit Niguaktiligiyit Maliktakhait ovalo hamna makpigaat, iluaniitut Niguaktiligiyit Maliktakhait atuniaktut.

### **NTIkuT NIGUAKTILIGIYIT MALIKTAKHAIT**

#### **Huliniaktut Niguaktaunahuaktut malingitkumik NTIkuT Niguaktiligiyit Maliktakhait?**

Niguaktinagit, niguaktitlugit ovalo avataanik niguakhimayut, niguaktaunahuaktut ukpigigumik aalat niguaktaunahuaktut ovaluniit ikayuktiit ihuinaaliktait iluaniitut NTIkuT Niguaktiligiyit Maliktakhait, niguaktaunahuaktut apigilaakatut Atanguyait Niguaktiligiyit apigikulugit Niguaktiligiyit Kamisitkut ihivgiukulugit. Atanguyait Niguaktiligiyit takuyayukhat hivulimik, ukaktinagit pivaliayunut. Ihivgiuktaagumik, Niguaktiligiyit Kamisitkut pilaaktut:

- Hulingilutik;
- Angigikaligilugit niguaktaunahuaktut ihuakhaigiagani ihuinaakhimayut;
- Nani niguaktaunahuaktut niguaktaupata, pitkulugit NTIkuT Katimayiinut, niguaktut niguaktaunahuaktumik pilaitut.

Niguaktaunahuaktut munagitjutikaktut havagutainik ikayuktiit, ikpinaktut niguaktaunahuaktut ovalo ikayuktiit munagitialutik tunikhaitjutainik munagiyakhait ovalo atanguyautikhait ikayuktiinut.

## **ANGMAKTINAGIT ATIKTUITJUTKHAIT**

### **Ilaulaaktunga niguaktinahuaktunut?**

Niguaktaunahuaktut imaitukhat:

- Kanatamiutat;
- 16nik ukiuliit niguaktut ubluanik; ovalo
- Ilaukatauyut ataanik *Nunavumi Nunataagutit Angigutaanut* ovaluniit pilaalugit maligutikhait ilaukatauyut.

Tahapkoa Inuit ilaulaitut niguaktaunahuaktunut ilauyut:

- Inuit ihuinaahimayut apikhukvimi ovaluniit itiktauhimayut ihuinaakhimayainik iluanik pingahut ukiuni, naunaiyaklugit niguaktiligiit Ubluanut;
- Inuit akiliktukakut NTIkunut ovaluniit Aviktukhimayut Inuit Katutjikatingit (RIA) hanianik \$500.00mik ovaluniit avataanut pingahunik tatkikhiutinik anmagutainik ublua atiktuiyut;
- Atanguyat Niguaktiligiit;
- Ikayuktiit Atanguyat Niguaktiligiit;
- Aviktukhimayut Niguaktiligiit havaktiit;
- Tuklia Niguaktiligiit havaktiit;
- Niguaktiligiit Titigaktiit;
- NTIkut Katimayit ovaluniit havaktiit nutkagalangit havakviminit;
- Inuit, Inuinaugalualutik, ilaukataungit ataanik *Nunavumi Nunataagutit Angigutaanut* ovaluniit ilaukataulaitut ilaukatauyunut.

Niguaktaunahuakatut nalvaaktaugumik ilaulaitut niguaktaunahuaktunut pilaitut.

### **Havakumatauk NTIkuni ovaluniit aalat Inuit havakviit?**

Niguaktaunahuaklaaktut takuyakhait havakviit niguaktaunahuagumik NTIkut Atanguyainut havaktitlugit RIAkuni ovaluniit Aviktukhimayut Hanatiligiyiit Kuapurisitkut. Hapkoa havakviit pitkuhimayut niguaktaunahuaktut nutkagalalutik havakviinit ilaukatautitlugit niguaktaunahuaktunut.

Katimayit ovaluniit havaktiit NTIkut niguaktaunahuaktut NTIkut Atanguyaint nutkagalalaaktut ubluanik tunihimayait atiktuitjutait makpigaat ovalo piniaktut ubluanik avataanut niguaktut ubluanit.

### **Kakugu akiliktilaakunga niguaktaunahuaktunut?**

Pilaaktut niguaktaunahuaktut niguaktinagit pingahunik tatkikhiutinik niguaktaunahuaktingit. Ublua nani niguaktaunahuaktut pilaaktut akiliktiliklugit nigugutikhait akiit 2014 niguaktiligiit Julai 28mi, 2014.

### **Hunauyut niguaktautinagit akiit?**

Niguaktautingit akiit naunaiyautait akilihimayut ovaluniit akiliniaktait pihimayut Julai 28mi, 2014 ovalo anmagutait atiktuitjutait Aktuupa 27mi, 2014 tuhaktiyait niguaktiligiit kitkut niguaktaunahualaaktut niguaktunik ovalo ilauyut ikayuguitkhait ikayugutait ovaluniit niuviktait. Niguaktaunahuaktut pilaaktut iminik kinauyait hanianut \$30,000.00mik niguaktinagit akiit.

## NIGUAKTAUNAHUAKTUT UBLUIT/ATIKTUITAAGUMIK ANGMAKAT

### **Kanuk Niguaktaunahualaaktunga?**

Hivulimik piyakhait niguaktauyumayut Inuit uktuktukhat Ihuinaakhimayut Titigagutainik ihivgiuktaulutik Palihihmatkunit ilaa, hamna pilaamat siksini ubluunik. Kilamik atiktuitjutikhat ubluit angmakata, October 27mi, 2014 niguaktauyumayut tugaaktukhat Inumik havaniaktuk niguaktiligiyini inminut. Ikeyuktikhait pitaakata ovalo kilamik avataani October 27mi, 2014, niguaktauyumayut piniaktut atiktuitjutikhainik makpigaat Atanguyat Niguaktiligiyini ovaluniit Nunait Tuhaktituiyit Havaktiit (CLO). Ovalo pilutik tuhagutikhainik niguaktaunahuaktut kinauyut, niguagutikhat makpigaat titigaktukhat kinamik tugaakhimayuk niguaktiligiyit ikayuktikhainik. Niguaktaunahuaktut ilauniaktuk, niguagutikhainit makpigaat, kinagiktumik ovaluniit kalaktumik piksat mikiyumik. Piksat tunilaaktutlu kagitauyakut ovaluniit kagitauyakut titigaakut. Hamna piksat piksaliukhimayukhat iluanik 12mik tatkikhiutini atiktuitautiflugit ubluani. Takupkaiyukhat niguaktauyumayuk talvatuak, hivunik, niakua takuyaulutik. Atiktuitjutikhait makpigaat pikaktukhat atiktuitjutainik niguaktauyumayuk, Ikeyuktia ovalo 10mik nigualaaktunit.

Akiliklutik \$200.00mik ilaayukhat atiktuitjutait makpigaamut. Akiliktakhait hanahimayukhat Titigakviit Kinauyait, Iitagiyauhimayut Chekhait ovaluniit Niuvikviit ovaluniit Kuapakut kinauyait akiliniaktut NTIkunut. Akiliktait utiktiniaktut niguaktauhimayumut ovalo niguaktaunahuaktut pihimayut 10%mik niguaktukhanit. Atiktuiyit makpigaat tunihimayukhat Atanguyat Niguaktiligiyit ovaluniit Nunait Tuhaktituiyit Havaktiit.

### **Hulivaktut Ikeyuktiit?**

Talvatuak Ikeyuktiit ovaluniit Inuit tugaakhimayait Ikeyuktiit, pilaaktut ikayugutikhainik kinauyait kitkanit niguaktaunahuaktut. Ovalo, talvatuak niguaktaunahuaktut Ikeyuktiit atiktuilaaktut katrakhainik piniaktut niguaktaunahuaktunik kitkanit niguaktaunahuaktut. Hamna ukaktut, Niguaktaunahuaktut Inunit pilaitut kinauyakhanik ikayugutikhait mikhaanut niguaktaunahuaktut ovaluniit ikayuklugit niguaktaunahuaktut (niuviklutik makpigaat taiguaktakhainik takuyakhainik, ilaa). Ikeyuktiit pihimayukhat naunaiautainik akilikataktait ikayugutikhait ovalo akiliktakhait ovalo tunilutik kinauyat atugutikhait tamamik ikayugutait ovalo akilihimayait ovalo tunilutik tuhaktakhait Atanguyamut Niguaktiligiyit niguaktaakata.

### **Kitkut Ikeyuktiulaaktut?**

Niguaktaunahuaktut tugaalaaktut inminik Ikeyuktukhainik. Kihimi, niguaktaunahuaktut, Atanguyat Niguaktiligiyit, ikayuktiit Atanguyat Niguaktiligiyit, aviktukhimayut Niguaktiligiyit havaktiit, Tuklia Niguaktiligiyit, Niguaktiligiyit Titigaktiit ovaluniit Inuit Katimayit ovaluniit havaktiit NTIkut nutkalakhimaitut, Ikeyuktaiulaitut niguaktaunahuaktumut.

### **Kanuktauk Ikeyuktiga taimaakat?**

Ikeyuktiit nalvaagumik havalaitait havaktakhait ovaluniit inilaitait havaktakhait, tuniyakhait taimaagutainik titigaklugit Atanguyat Niguaktiligiyit. Niguaktaunahuaktut tugaaktukhat nutaamik Ikeyuktikhainik ovalo tuniyukhat atikhimayumik angigutait makpigaat nutaamit Ikeyuktiniit kinauyakhanik pilaaktinagit.

### **Kakugu Niguaktaunahualaaktunga?**

Niguaktaunahuaktut tuniyakhait atiktuitjutait makpigaat Atanguyat Niguaktiligiyinut ovaluniit Nunait Tuhaktituiyit Havaktiit kitkanit 9:00mongakat ublaami, Hanangaut, Aktuupa 27mi, 2014 ovalo 5:00mongakat Tallimmiut, Aktuupa 31mi, 2014. Kinguvakpalaanginahualutik, niguaktaunahuaktut pitkuhimayut tunilugit atiktuiyit makpigaat kilamik umiktinagu. Niguaktaunahuaktut munagiyikaktut atiktuitjutait makpigaat tuyukhimayut Atanguyanut Niguaktiligiyit ovaluniit Nunait Tuhaktituiyit Havaktiit pilugit. Atiktuitjutait makpigaat pihimaitpata Atanguyat Niguaktiligiyinut umikpata, tahapkoa niguaktaunahualaitut.

### **Unguvalaaktunga Niguaktaunahuaktunut?**

Inuit atiktauhimayut niguaktaunahuaktunut ungulaaktait atiiit atiktuitjutait 5:00mongakat, Nuvipa 3mi, 2014. Niguaktaunahuaktut tuniyukhat inminik Atanguyat Niguaktiligiyit ovaluniit Nunait Tuhaktituiyit Havaktiit pihimayut atiktuitjutait makpigaat, Tuhaktitakhait niguaktaunahuaktut unguvagutait makpigaat atikhimalutik niguaktaunahuaktumit ovalo kungiaktut malguk Inuit nigualaaktut. Niguaktaunahuaktut unguvakhimayit atiiit utiktilaitut akiliktainik.

### **NIGUAKTAUNAHUAKTUT UBLUIT/UMIKPATA ATIKTUITJUTAIT**

#### **Niguaktaunahuaktut Munagiyiit**

Niguaktaunahuaktitlugit, niguaktaunahuaktut havaktukhat inminik ikpiagiyait inminiigutait aalat niguaktaunahuaktut ovalo titigakhimayait ihumagiyaiik ikhihimaitumik. Niguaktaunahuaktut piyukhat kitkut havaktut inminik pitilalutik.

Taimaimat, niguaktaunahuaktut pilaitut:

- a) Nutkaktitlugit, ahigulugit ovaluniit ayokhaktitlugit niguaktaunahuaktut aalat;
- b) Nutkaktitlutik tunikhaitjutainik, takuyakhait ovaluniit tunikhaitjutait niguaktaunahuaktut atuktainik aalat niguaktaunahuaktunik;
- c) Titigauyangilugit ovaluniit ahiguklugit taiguaktakhait, takuyakhait ovaluniit niguaktaunahuaktut atuktait aalat niguaktaunahuaktut;
- d) Nutkaktitlutik niguaktaunahuaktut katimapkailutik, naalagiaktuktaulutik ovaluniit pihukataulutik;
- e) Nutkaktitlutik Inuit ilaukatauyumayut niguaktaunahuaktut naalagiaktugutainik ovaluniit katimatjutait aalat Niguaktaunahuaktut;
- f) Ayokhaktitlugit ovaluniit nutkaktitlugit pivalialigiyit havaktainik;
- g) Ayokhaktitlugit ihuitumik ovaluniit kuvianaitumik havaktainik niguaktiligiyit havaktiit ovaluniit nutkaktitlugit atugutikhait niguagutikhainik ovaluniit naunaiyaligumik niguakhimayut;
- h) Atuklutik ukautainik akigaktuiyit, ihuinaaktut ovaluniit kuviahungitut aalnik; ovaluniit
- i) Ikhitaalugit ovaluniit ningakungilugit ovaluniit kuviagingitainik aalatkiinik mikhaanut aalat Inuit ovaluniit Ilaukatauyut.

### **Kafinik kinauyanik atulaaktunga niguaktaunahuaktunut?**

Inuit akiliktilaaktut tamaat \$40,000.00mik, ilauyut niguaktautinagit akiit ovalo niguaktaunahuaktut akiligutainik kitkanit Julai 28mi, 2014 ovalo Tisaipa 7mi, 2014.

### **Kakagu pilaaktunga kinauyait ikayugutikhainik niguaktaunahuagutinik?**

Niguaktaunahuaktut pilaaktut ikayugutikhainik kinauyait Inuit inminik, kuapurisitkut ovaluniit katutjikatingit tunitaagumik atiktuitjutait makpigaamik anmakata atiktuitjutait ovalo piligutait niguaktaunahuaktut ubluinik Aktuupa 27mi, 2014 Taimaimat, kinauyait atukhimayut hamna ublua tikitinagu, nituaktaunahuaktut akilikhtakhait inminik. Niguaktaunahuaktut angilaaktut ikayugutikhainik kinauyanik ovalo atuklugit kinauyait 11:59mongakat unuami, Sunday, December 7mi, 2014 ovalo nutkaktukhat niguaktaunahuagutainik 12:00mongakat, Monday, December 8mi, 2014.

### **Hunauyut Kinauyait Ikayugutikhait Niguaktaunahuaktumut?**

NTIktut Niguaktaunahuaktut Maliktakhait ikayugutikhainik kinauyait, ikayugutait ovalo niuvikhimayait tunihimayut Niguaktaunahuaktumut niguaktaunahuaktitlugit, ikayuktiit atuniaktut niuvikviit akiinik hapkoa niuvilaaktait ovalo ikayugutikhait titigagumik ikayugutikhait kinauyait. NTIktut Niguaktiligiyit Maliktakhait pitkuhimayut ikayugutikhait, inminik ihimayut niguaktaunahuaktumit ovaluniit aalamit

Inunit, piyukhat Ikayuktiinut. Ikayuktiit havakhimayait ovaluniit niuviktakhait hanahimayait ikayuktinit, ilaulaitut ikayugutikhainik. Kihimi ikayugutikhait akiliktiniaktut ovaluniit tunihimayut aalanit Inunit inminik havaktut, ihumagiyaayut ikayugutikhait.

### **Kitkunit pilaaktunga kinauyakhat ikayugutikhainik?**

NTIkt Niguaktiligiyit Maliktakhait pikaktut niguaktaunahuaktut pilaaktut kinauyakhat ikayugutikhainik nunakatigiit Nunavumi, kuapurisitkut havaktut Nunavumi ovaluniit ilaukatauyut havaktut Nunavumi. Ikayugutikhait tuniyukhat Ikayuktiinut niguaktaunahuaktut. Tamamik kinauyait katitikhimayut Ikayuktiinut, iliyukhat kinauyaligiyyinut ovaluniit angiktauhimayut aalat kinauyakakviit, ilangit Niuvikviit ovaluniit Kuapakut niuvikviit nunainik kinauyaligiyyikangitunut. Ikayuktiit ukautiyakhait Atanguyat Niguaktiligiyit, titigaklugit, atitit Kinauyaligiyyit ovaluniit kinauyat munagiyyit tutkukhimayut.

### **Kafinik kinauyanik pilaaktunga ikayuktunit?**

Niguaktaunahuaktut pilaaktut hanianut \$2,000.00mik tamamik Inuit inminik nunakatigiit Nunavumi ovalo tamamik kuapurisitkut havaktut Nunavumi ovalo ilaukatauyut havaktut Nunavumi. Niguaktaunahuaktut Ikayuktiit pilaaktut tamamik kinauyakhainik niguaktaunahuaktitlugit. Akiit ikayugutikhait kinauyainik avataanut \$2,000.00mik nani autlaagutikhait niguaktaunahuaktut tunihimayut ikayugutikhainik niuvikhimayut ovalo ikayugutikhainik.

### **Huliniakatut Ilaukatauyut tunigumik kinauyakhanik?**

Niguaktaunahuaktut pilaaktut kinauyat ikayugutikhainik ilaukatauyunit havaktut Nunavumi kihimi ilaukatauyut tuniyukhat katitigutainik Inuit inminik pihimayut ovalo naunaiyautait ikayugutikhait. Pikangituk kuapurisitkut tunilutik katitigutainik pihimayut.

### **Kinauyakhalaaktunga aalanit Inuit ovaluniit atulaaktatka ovamnik kinauyatka niguaktaunahuagutimnik apigingilugit aalat ikayugutikhainik?**

Tamaat \$40,000.00mik niguaktaunahuaktut akiliktilaaktait inminik, hanianut \$30,000.00mik inminik niguaktaunahuaktut kinauyainik. Niguaktaunahuaktut ikayugutikhait inminik tuniyukhat Ikayuktiinut.

### **Ikayuktiit pihimayakhait kinauyat ikayugutikhait?**

Atitit ovalo titigakviit Inuit ikayukhimayut kinauyanik niguaktaunahuaktitlugit ovalo naunaiyautait ikayugutikhait, titigakhimayukhat Ikayuktinit. Ikayugutikhait kinauyait hanianik \$100.00mik ovaluniit mikitkiyait pikpata, titigangitkalualugit atitit ovalo titigakviit ikayuktut. Kihimi, naunaiyautait titigakhimayukhat. Tuhaktauyumangitut ikayuktut avataanik \$100.00mik utiktiyukhat ikayuktumut Ikayuktiit nalungitkumik ikayuktut ovaluniit tunilugit Atanguyat Niguaktiligiyit iliyaangani Nunavumi Tutkuktuiyinu.

### **Kakugu nutkalaakunga Niguaktaunahuaktunut?**

Niguaktaunahuaktut ovaluniit ikayuktiit tuhaktitaulaitut ukautainik, katimapkailutik ovaluniit tuhaktitilutik niguakvimi ubluani (piliklutik 12:00mongakat), Monday, December 8mi, 2014. Niguaktaunahuaktitlugit, niguanahuagutait taiguaktakhait takuyaulaitut niguakvimi. Ovalo, Inuit atulaitut takuyakhainik, atuktainik ovaluniit aatjikutainik niguakvimi.

## **NIGUAKTAAGUMIK UBLUA**

### **Ihuinaaguitinikhamik iniktigutait Niguaktiligiit**

Niguaktaunahuaktut ihumagumik ihuinaakhimayut iniktigutait niguaktiligiit, tuniyukhat ukagumayainik Atanguyat Niguaktiligiit. Niguaktaunahuat piyukhat ovalo malilugit angigutainik Atangat Niguaktiligiit ovalo nani atulaakat, Niguaktiligiit Kamisitkut.

### **Tuhaktiniaktunga kinauyat ikayugutikhainik Inuit tunihimayainik niguaktaunahuaktitunga?**

Niguaktaagumik, Ikayuktiit tuhaktiyukhat kinauyat ikayugutikhainik Inuit tunihimayait niguaktaunahuaktitlugit. Hapkoa ikayugutikhait titigakhimayukhat Ukautainik Niguaktaunahuaktut Ikayugutikhait makpigaamut tunihimayut Ikayuktiit Atanguyat Niguaktiligiit. Hamna makpigaat takuyaulaaktut Inuit tamamik niguaktaagumik. Ikayuktiit titigakhimayukhat ovalo tuhaktitlukit tamamik kinauyat ikayugutikhait pihimayut niguaktaunahuaktitlugit. Atiit ovalo titigakviit Inuit tunihimayait avataanik \$100.00mik katitihimayukhat inminik niguaktaunahuaktut utiktigutainut. Ikayuktiit tuhaktiyukhat tamamik niguaktaunahuaktut ikayugutikhainik Atanguyat Niguaktiligiit iluanik 60nik ublunik niguaktiligiit ubluanit. Ilaukatauyut apigilaaktut aajikutainik hapkoa makpigaat iluanik siksiniik tatkihutit tunitaagumik Atanguyat Niguaktiligiit.

### **Kakugu akiliktakhatka niguaktiligiit akiit?**

Tamamik niguaktiligiit akiliktakhait akiliktuhat iluanik 60nik ublunik. Niguaktiligiit akiliktakhait, akiit pihimayut ovaluniit kinauyait akilihimayut niguaktaunahuaktitlugit tuhaktigagani niguaktaunahuaktunik. Nutaat apigilaaktut pitkuhimayut Atanguyat Niguaktiligiit akililaagiagani hapkoa akiliktakhait avataanut Niguaktiligiit Ubluanit.

### **Tuhaktiyukhauyunga akiliktigutikhainik pihimayut niguaktaunahuaktitunga?**

Ikayuktiit tuhaktiyakhait niguaktaunahuat akiliktakhainik niguaktaunahuaktitlugit. Hapkoa akiliktakhait tuhaktiyukhat Ukautait Niguaktiligiit Akiliktakhait makpigaat tunihimayut Ikayuktimut Atanguyat Niguaktiligiit. Hapkoa makpigaat Inuit takulaaktait niguaktaagumik, Ikayuktiit tuhaktiyakhait tamamik niguaktaunahuaktut akiliktakhait Atanguyat Niguaktiligiit iluanik 60nik ublunik malilugit niguakviit ubluanik. Ilaukatauyut apigilaaktut aajikutainik hapkoa makpigaat iluanik siksiniik tatkihutiit tunitaagumik Atanguyat Niguaktiligiit.

### **Kitut akiliktakhait akililaaktatka kinauyat ikayugutikhainit pihimayut?**

Akiliktakhait niguaktaunahuaktut mikhaanut niguaktaunahuagutait. Hapkoa ilaulaaktut akiliktakhait autlaagutainik nunainut aalanut, akiliklugit takuyakhait, naunaiyutait ovalo taiguaktakhait ovalo aalat akiit niguaktaunahuaktumut. Niguaktaunahuaktut akiliktakhait inminik autlaagutait ovalo inuuhitjutikhait inminik ovalo apigilaaktait Ikayuktiit utiktitlugit hapkoa akilikkhimayait inminik Niguaktaunahuaktut kinauyakhainit. Ikayuktiit piniaktut ukautainik akiit ovalo ikayugutait naunaiyutainik tunitinagit kinauyakhainik Niguaktaunahuaktumut. Naamaktut autlaagutikhait ovalo inuuhitjutikhait akilimayut mikhaanuuktukhat niguaktaunahuagutait ovalo ilaungitut akiit ikluinik niguaktaunahuaktitlugit.

### **Kanuktauk kinauyakaguma niguaktaaktunit?**

Niguaktaunahuaktut katitihimagumik kinauyakhainik avataanut akiliktakhait niguaktaunahuaktitlugit, tuniyakhait atungitainik ikayuktiinut havakviit ovaluniit Nunavumi Tutkuktuiyit iluanik 60nik ublunik. Tuhaktiyukhat Atanguyat Niguaktiligiit iluanik 30nik ublunik tunigumik Ikayuktiinut ovaluniit Nunavumi Tutkuktuiyit iniktiaagumik Ukautait Niguaktaunahuaktut Kaanganigutaiik kinauyait.

**Huliniakatut atukhimagama kinauyanik avataanut tuniyauhimayunit kinauyait?**

Niguaktaunahuaktut pikagumik avataanut akiliktakaktut, Ikayuktiit pilaaktut ilanginik kinauyat ikayugutikhainik kitkanit niguaktaunahuat ilaunik 60nik ublunik. Hamna pikpat, Ikayuktiit tuniyukhat Ukautait Niguaktaunahuakt Ilanganik Kinauyat Ikayugutikhait makpigaamik Atanguyat Niguaktiligiyit kilamik avataanut 60nik ublunik.

**Huliniaktut tuningitkuma niguaktiligiyit kinauyait ikayugutikhainik ovalo akiliktakhainik tuhaktakhait pitkuhimayut NTIktut Niguaktiligiyit Maliktakhait?**

Ikayuktiit niguaktaunahuaktut tuningitkumik niguaktaunahuat kinauyait ikayugutikhainik ovalo akiliktakhait utiktigutikhait tuhaktakhait iluanik 60nik ublunik Niguaktiligiyti Ubluanit, Atanguyat Niguaktiligiyit tunilaaktut unghahihigutikhainik akiliktakhait ovaluniit apigilugit Niguaktiligiyit Kamisitkut ihivgiuklugit. Niguaktiligiyti Kamisitkut tunilaaktut unghahihigutikhainik ovaluniit pitkulugit NTIktut Katimayit niguagutait Niguaktaunahuaktut pitkungilugit.

## NAITUMIK UKAUTAIT

### **Naitumik ubluit**

Havaktakhait	Ublua
Niguaktinagit ubluit (pingahut tatkikhiutit ubluanut hivuliit niguaktaunahualaaktut)	Julai 28mi, 2014
Atiktuitjutikhait anmagutait/niguaktaunahuat piliniaktut	Aktuupa 27mi, 2014
Niguaktaunahuaktut pilaaliniaktut kinauyat ikayugutikhainik	Aktuupa 27mi, 2014
Atiktuiyit Umigutait	Aktuupa 31mi, 2014
Kinguliit ubluit unguvalaaktut atiktuitjutainik	Nuvipa 3mi, 2014
Hivuliit Niguaktut Ublua	Tisaipa 1mi, 2014
Niguaktaunahuaktut ovaluniit kitkut Inuit nutkaktukhat tuhagutikhainik ukautikhait, katimatjutait ovalo tuhaktaulutik ublua tikitinagu Niguaktiligiyit Ublua.	Tisaipa 7mi, 2014
Niguaktaunahuat nutkaktukhat kinauyat ikayugutikhainik ovalo akiliktiguilutik	Tisaipa 7mi, 2014
Niguaktut Ublua	Tisaipa 8mi, 2014
Tuhaktakhat Ikayuktinit piniaktut	Fibyuari 9mi, 2015

## Naitumik makpigaat

No.	Atiit Makpigaat	Hulitjutait
1	Tugaagutikhait Ikayukti	Naunaiyagiaganik Inumik Ikayuktiuniaktuk Niguaktakhaunahuaktumut.
2	Atanguyautait ovalo Angigutait Makpigaat	Pipkaiyaanganik niguaktaunahuaktut Ikayuktiit ilulutik Niguakvimi Hivulimik niguaktut, Niguakvikmi Ubluani ovalo niguakhimayut naunaiyautait naluhuiyalikata.
3	Niguaktaunahuaktut atiit unguvagutait0	Naluhuiagiaganik unguvagutait niguaktaunahuaktut niguaktiligiyinit
4	Katitigutait Tuhaktitjutikhait Makpigaat	Naluhuiagiaganik akilihimayait atugutikhainut makpigaat ikayuktiinit, akiligutait ovalo kaananiitut kinauyait atungitut
5	Atiktuitjutikhait Makpigaat	Titigagiaganik NTIktut Niguaktiligiyini